

See Custen von Rio de Sella/

bis gehn Auiles.



Sechs meilen bey West Lhianes ligt Rio de Sella: Wer da in sein muß/ sol achtung haben auff eine mast/ die auff dem Ostlande stehet/ vnd muß da rur bey ein/ dann die Westseite ist inwendich vnrein/ vnd man solß setzen binnen der Mast fürs Dorf/ es ist eine Tydehauen.

Sehen meilē bey West Rio de Sella ligt Villa Viciofa, ihr mugt bey dem West lande ein/ dann die Ostcandt ist vlack vnd vnrein: da ligt ein platten recht binnē der hauen/ vnd ist mit legem wasser oben. Ist auch ein Tydehauen. Die Plecke ligt an der Westseiten/ da mag man nach zu segeln/ vnd segens nider auff vlack wasser.

Item sechs meilen bey West Villa Viciofa ligt der wthoek von Sanson/ da ein Inselchen bey Westen ligt/ mit einem thurnlein/ vnd ist zwischen beiden gutte Reide vnd anckergrundt / auff siben vnd acht vadem. Bey westen Sanson ist auch gutte Reide auff sechs vnd siben vadem/ recht fur dem hauenchen von Sanson.

Bey west Sanson ligt Gyon, vnd hat eine Piere oder abstreckend höfft/ da die inwoner ihre Fisch barcken vnder leggen. Ein grosse meil von dannē bey West ligt die inwijck von Tores, da gutte Reide ist auff acht vnd neun vade: auff dem wthoecke siehet ein hoher thurn. Von dannē zwey meilen bey west findt man die Cab de Pennas, da viel Ruds en abeligen. Von dannen gehn Auiles zwey meilen/ vnd ist die beste hauen aller dieser Custen: Es stehet eine Cappell auff der Ostseiten / da man rur bey den hoecke einsegeln muß/ biß das man komme binnē die zwey Clipfen da es raum vnd breid ist/ dann von dē Westhoecke laufft ein Riff abe / vnd strecket binnen langes der hauen nach dem Stettlein. Es ist da an all beide seiten sehr vntieff/ vnd an die Westseite der Hauen ligen zwey grosser Clipffen oder außrudzen recht fur dem Kirchlein in der Sandt bayen.

Opdoeninghe en verthominghe vande Lande van Biscaya tusschen Rio de Sella en Aulis. als men daer beffens zeijlt
Favis Biscaya inter fluvium Sella et Aulam dum praetermagatur...



